

STIGLI MOTORI ZA VODU

Vec smo pisali o vodosnabdijevanju u Grbavcima i kako je poznato, najveći dio sela koristi vodovod sa izvorista Musica cesma. Postoje mnogi problemi, od prava raspolaganja vodovodom, jer su se kasnije na ovaj vodovod priključili i mnogi korisnici koji nisu učestvovali u njegovoj izgradnji prije rata, do tekućeg održavanja. Kako će se vodovodom raspolagati u narednom periodu pitanje je koje trazi vrijeme, jer se zna da ovu vodu koriste i građani srpske nacionalnosti, pa sve već prelazi i u sferu politike. Sto se tekućeg održavanja tice, sve su cesci kvarovi i prekidi u napajanju, zbog zastarjele opreme, dotrajalosti sistema, ali i neograničenog i neuredjenog koristenja. Bas za posljednji Bajram, doslo je do nestanka vode zbog kvara na motoru koji pokrece potisnu pumpu, sto je izazvao velike nevolje i trazilo rjesavanje ovog problema.

Grbavcanin Edin Hodzic, koji živi i radi u Austriji, ali je u svakoj prilici u svome selu, dolaskom za ove praznike je dovezao i 3 motora za pumpe koji su u veoma dobrom stanju i veće snage nego postojeći. Sam će snositi oko polovine troškova nabavke, prevoza i postavljanja, što je iznos oko 500 KM. To će umnogome poboljšati stanje našeg vodovoda, a ova prilika iskoristice se da se prikupe i dodatna sredstva kako bi se zamijenili još neki dotrajali dijelovi sistema, pa traje akcija prikupljanja novcanih sredstava u iznosu od 10 KM po korisniku. Kada se izvrše potrebne popravke, prekidi u napajanju bi trebali biti zaista rijetki. Medjutim, u budućnosti treba riješiti i kvarove na samoj cijevnoj mreži, kako bi se eliminisali veliki gubici vode u sistemu. Regulisanje prava raspolaganja i eventualno uvođenje novih izvorista, pitanja su koja traže više dobre volje i sredstava.